


欽定中樞政考



		九	漢書門
	一	二	
二	四	四	類
冊	架	函	號

內閣文庫			
元	九	漢	
函	二	書	
一	四	類	
架	冊	號	

內閣文庫			
番號	漢	9210	
冊數	24(16)		
函號	297	19	

十四下



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale





© Kodak, 2007 TM. Kodak



承緝叛逆

淺草文庫

一地方遇有叛逆重案失察之同城武職革職
 不同城兼轄官降二級調用提督總兵官降
 級留任專兼各官能將首夥各犯盡行嚴
 拿究治及將逃叛即行全獲者免議如有任
 逃餘犯未獲同城武職均革職戴罪限一年
 緝拿限滿不獲革任逆犯交與接緝官照案
 緝拿不同城兼轄官降二級戴罪限一年緝
 拿限滿不獲降一級調用如一年限內將逸



大正
 區文
 千部盜賊
 言

犯緝獲准其開復總兵官罰俸一年免其停
 陞其接緝官于接管之日計算協緝官於逆
 犯發覺之日計算如未滿一年仍停其陞轉
 緝拿俟滿一年將接緝協緝武職各官罰俸
 一年免其停陞未獲逆犯照案緝拿如將叛
 逆及父母兄弟妻子縱放逃走及逃犯未獲
 作為已獲頂替或叛逆未滅謊報已滅者該
 管武職革職提問轉報之上司各降四級調
 用提督總兵官降一級調用其餘各官應行解部
 家屬不行解部或聽其賣贖或謊稱已故者
 降二級調用如起解遲延並叛逆人犯出入
 境內不能查獲者俱降一級調用該管上司
 罰俸一年

餉鞘被劫

一鎮后路途遇有盜賊劫失餉鞘護送官革職
地方官獲賊之後解官如係京員令其帶革
職之案在原衙門効力行走若係外任帶革
職之案仍赴原省差委効力不准食俸俱俟
四年無過開復失事地方專汛官革職留任
限一年緝拿賊犯全獲改爲降一級留任三
年無過開復如限內獲賊過半已獲盜首者
仍留任緝拿倘逾限一年獲賊不及一半及

獲賊雖經及半盜首未獲者革任未獲賊犯
交與接任官緝拿同城兼轄官住俸限一年
緝拿全獲開復若限內不獲降一級調用不
同城兼轄官初叅罰俸六個月限一年緝拿
限滿不獲罰俸一年賊犯照案緝拿統轄官
不論同城不同城均照不同城兼轄官例議
處提督總兵官初叅罰俸三個月限一年督
緝限滿不獲罰俸六個月賊犯照案緝拿如
有加級紀錄俱准抵銷至劫失銀兩俱照例
分賠其應得處分不得以銀兩自行賠完卽
予開復倘該員等逾限不完卽著落家產按
數追賠如有不敷令各上司分賠

一餉鞘被竊如鞘失夫逃不能交出原夫卽失
事在別處地方亦將撥夫僉解之武職員弁
照失事地方官一例議處

一解官押鞘潛行小路不由大道不執票赴營
汛掛號撥兵護送者遇有疎失該營汛官止
照盜案疎防例議處

見地方失
專例內

勒限緝拿

一運解餉鞘到其汛屬如解官欲就小路不遵
營汛官勸阻該營汛官即報本省總督巡撫
提督總兵官題參如希免護送聽其由小路
行走查出將該汛弁罰俸一年其解官執持
兵票赴營汛取兵護送該汛弁不照定數撥
給及所派兵丁中途私回者解官報明該總
督巡撫題參將該汛專兼各將弁罰俸一年
私回兵丁責革名糧

申報賊情

一申報賊情汛防各官務將殺人劫物情由詳
開確訊明白一面申報上司各處接續緝拿
若借端擒剿賊黨殺害無辜良民者將本官
革職提問至此等貪虐官員提鎮等官不行
申報督撫及該督撫不行查明題參者或科
道官糾參或旁人首告得實將總兵官降一
級照舊管事提督罰俸一年督撫交與吏部
查議如無總督省分聽提督查明糾參

不行窮追

一凡各處盜賊行劫事主卽於本日呈報該管官如夜間被盜於次日呈報如呈報該管官不行接受及不速行接續交付前報或追及盜賊不能擒獲致賊脫逃或聞報不行窮追或不親身馳追止差未弁追趕者俱革職如隔二三日呈報者盜賊已經遠遁照地方失事例議處至附近地方各官事主呈報不行接受者革職如以非其汛地不行追捕或追

及盜賊不能擒獲以致脫逃或不親身馳追
止差未弁追趕者降一級調用至盜賊經過
伊汛該管官止趕出本汛界外不行窮追及
不親身率領官兵馳追止差未弁追趕者降
一級照舊管事至盜賊行劫該督撫提督將
某官曾否一面馳報一面親身追趕盜賊經
過伊汛有無窮追捕獲此等情由逐一分析
開明具題如含糊隱飾不行開明後被查出
將督撫提督罰俸一年

營兵爲竊盜

一營兵爲盜專管官革職兼轄官降三級調用
統轄官罰俸一年兵丁犯竊者有司審確卽
移回本營該管官細打插箭遊營再送有司
收管照例發落將約束不嚴之專管官降一
級調用兼轄官降一級留任統轄官罰俸六
個月如將兵丁爲竊盜之案諱飾不報或囑
托有司代爲開脫者革職若旣經發覺捏稱
開除名糧在先竊盜在後者將該管官降二

欽定四庫全書
刑部
卷四
一
級調用若爲竊爲盜月日在該管官因公他
出之前事發於他出之後者亦照此例議處
如爲竊爲盜月日在該管官公出之後事發
於未回之前者免議凡營兵爲盜例應革職
自行查拿者減爲革職留任營兵犯竊例應
降一級調用自行查拿者減爲降一級留任
該管上司免議

營兵窩盜

一營兵窩隱竊盜及叅盜受贓漏信脫逃者該
管武職平日不行稽查或已經查拿不依定
例按所叅名數多寡分別治罪只借端責革
者將專管官降二級調用兼轄官同城者降
一級調用不同城者降一級留任統轄官降
一級照舊管事如該管各官明知徇縱不行
查究者照諱盜例分別議處若兵丁窩盜受
贓等事月日在該管官因公他出之前事發

於公出之後者亦照此例議處其窩盜受贓等事月日在該管官公出之後事發于未回之前者俱免議

貼防兵丁爲盜

一貼防兵丁爲盜者將被劫地方專汛兼轄統轄各官照地方失事例議處將領兵貼防官革職其貼防駐劄地方之兼轄官降二級照舊管事統轄官罰俸一年

効用爲盜

一提鎮標下効用官爲盜者將該提鎮降三級
 調用若營弁爲盜該管官降三級調用兼轄
 官降二級留任統轄總兵官降一級留任

撫丁為盜

一就撫人丁清願為民者聽其為民情願為兵者該管官保留為兵若有為兵之人復行為盜將專兼統轄各官照營兵為盜例議處

竊賊濫充行伍

一將竊賊及為匪有案之人准其濫充行伍者

將准其承充之該管官降三級調用濫給各糧例雖

不得財濫用私人者降三級調用

差官被刦

一奉差官及赴任官員被刦無護送官兵者專
汛兼轄照地方失事例議處有護送官兵者
若在伊所屬地方又係伊官兵護送被刦者
專汛官降二級調用兼轄官降一級留任統
轄官罰俸一年若被賊殺擄無護送官兵者
將專汛官降二級調用兼轄官降一級留任
統轄官罰俸一年若有護送官兵者專汛官
革職兼轄官降二級調用統轄官降一級留

汛弁降一級調用

一道路掩埋無主身屍有被勒戮傷情形係老
瓜賊謀害者查明確實將專兼統轄各官題
叅疎防照設有墩舖防兵地方失事之例議
處倘混以是讐非盜立案者查出照諱盜例

議處

緝拿丟包賊

一丟包賊犯地方員弁嚴行緝拿倘有贓至滿
貫及拒捕傷人者照白晝搶奪例扣限查叅
分別議處

衙署被劫不報

一衙門失事隱匿不報及以強報竊者革職仍
 留該地方勒令設法出資懸賞僱覓民壯與
 接任官協同緝捕如已獲盜過半准其回籍
 若逾限不獲勒令協緝三年方准回籍

一 衙門失火
衙署焚燒不報

竊盜不報

一 地方失事隱匿不報或以強為竊以多為少
 或賄囑事主通同隱匿者專汛官革職提督
 總兵官副將叅將遊擊都司守備扶同隱匿
 者均降三級調用如止失于覺察同城者降
 二級調用不同城百里以內者降一級調用
 百里以外者降一級留任提督總兵官罰俸
 一年該總督巡撫提督於題叅疏內將知情
 失察及同城不同城并道里在百里內外之

處聲明分別查議如專汛官諱盜各上司有能查出申報者免議

一武職各官拿獲盜犯供出先次行劫之處審明仍行查該總督巡撫若事主已經報官將該管各官照諱盜例處分若事主未經報官該管官查出補報者該總督巡撫取具專兼統轄各官並無諱盜印結報部部內免其駁查卽照疎防例議處如未經查出補報者將專汛官降一級留任同城之兼轄統轄各官俱罰俸一年不同城在百里以內者罰俸六個月百里以外者罰俸三個月未獲盜犯仍照疎防例議處如專汛官失察兼統各官查出申報者俱免議專汛官仍照例議處若結報後被旁人告發或科道糾叅確查諱盜屬實者將從前諱盜及發覺後仍行捏結之專汛官仍革職扶同加結之兼轄統轄各官均照狗庇例降三級調用

一諱盜之案若賊全獲者該管各官俱免其議

處

事主以盜報竊

一地方具報失竊案件經文職官訊明如有強劫情節會同營汛親詣事主之家查驗果係強劫據實通報如實係竊案亦將事主原報呈詞備細抄錄出具並無抑勒諱飾印甘各結隨文申送其呈詞內如有強劫情節該管武職並未聲明親詣查驗者令該武職上司指駁查驗如文員會同武職查驗而該管武職並不親詣確查及該上司並不指駁查驗

欽定四庫全書
刑部
卷一百一十四
三
叅送到部卽實係竊案亦將不親詣之武弁
降二級調用不指駁之上司降一級調用如
該管武職有畏疎防承緝處分借端嚇阻抑
勒事主改供以強報竊及刪滅強劫情形轉
報者革職若事主以強報竊之案後經發覺
仍令該管武職據實確查申報該總督巡撫
提督總兵官取具專管兼轄各官從前並無
諱盜印結報部其未經確查朦混出結者將
捏結官革職扶同加結之上司降三級調用
接任接署官失察諱盜

一前官諱盜之案接任官於到任三個月內查
出揭報如逾限不能察出或經發覺將接任
官革職留任接任同城該管官降一級留任
不同城該管官罰俸一年到任未及三個月
者免議接署各官亦照此例議處

一 地方失事限年緝賊之員將未獲盜賊

一 地方失事限年緝賊之員將未獲盜賊
死故或失事之時勒令減報盜數者革職兼
轄官不行詳查據以轉報者罰俸一年提督
不詳核具題者罰俸六個月

上司刪減盜數

一營汛官地方失事如上司將專管武職申報
 盜數擅自刪減者革職如專管武職不確查
 盜數申報或不開失事營汛官職名者俱罰
 俸一年

盜案推諉

一本汛失盜彼此推諉不報者照諱盜例處分
如已經申報復彼此推諉者將推諉官降一
級調用轉詳官罰俸一年

誣良為盜

一武職該管兵役人等誣拿良民指為盜賊私
 用非刑害人致死者將該管官革職兼轄統
 轄官不據實查報者降二級調用總兵官不
 行查出者降一級調用提督不行查出者罰
 俸一年如未經致死者該管官降四級調用
 兼轄統轄官不據實查報者降一級調用總
 兵官不行查出者罰俸一年提督不行查出
 者罰俸六個月

一地方賊匪令營員嚴率兵丁實力緝拿移送州縣訊究若該犯任意狡展州縣官卽移詢原獲弁兵據實確訊審實之日將獲賊弁兵按其贓數多寡分別獎勵倘兵丁等誣拿曾經犯竊之人指爲現在跣緝強竊盜犯拷逼教供致死者將該管官降三級調用未經致死者降一級調用

住賊地方

一盜賊潛匿地方該管官不實力稽察經別處行劫拿獲供出從前居住地方將原住地方該管專汛官降二級調用兼轄官同城者降一級調用不同城者降一級留任統轄官降一級留任

一盜賊遠颺他省如已有實據經失事地方官關移查緝該汛專管官不行實力協拿或縱令轉窩鄰境者降二級調用

務獲盜首窩家

一承緝盜犯官務獲盜首如限內不獲盜首雖獲盜過半於免罪之外仍罰俸一年再限不獲者罰俸二年三限不獲者降一級留任如盜首果係病故在某處者查驗供認實有確據免其處分若有假借別州縣所獲之盜指爲本案盜首或先報盜首脫逃後經審出仍在該地方隱匿或捏報盜首病故後於別案發覺者將從前假借隱匿捏報各官照諱盜

例革職

一承緝盜犯專汛官。如訊明盜犯有窩家者。獲盜過半兼獲盜首窩家。始准免議。如年限內止獲盜首并獲夥賊過半而窩家無獲者。將承緝官照不獲盜首例議處。若實有窩家之案。因畏避不獲處分。將窩家刪去者。承緝官照諱盜例議處。見諱盜不報例內。

拿獲賊窩

一地方武職拿獲隣境大盜窩主者紀錄二次。拿獲隣境小盜窩主者紀錄一次。如不實力訪察被別處拿獲盜賊供出窩主者。將該管汛弁罰俸一年。


緝獲別汛盜賊

一 巡捕營官員及直省營汛各官。有能於一月
以內拿獲鄰境案內首盜者。加一級再紀錄
一次。如一月以外拿獲鄰境案內首盜者。加
一級俱隨招將拿獲首盜月日註明。兵部分
別議敘其拿獲鄰境夥盜者。無論一月內外
每一名紀錄一次兼轄官總計一年內所屬
各員有獲盜議敘。至加一級。或紀錄四次者。
將兼轄官咨部紀錄一次。再有多者。以次遞

加。獲盜兵役。係一月以內。拿獲首盜者。賞銀二十兩。拿獲夥盜者。每名賞銀十兩。如一月以外。拿獲首盜者。賞銀十兩。拿獲夥盜者。按每二名。給與半賞銀五兩。俱令原失事地方官。捐給。若原失事地方官。有離任者。該撫暨武職。統轄官。捐給。

擒盜卹賞

一。內外官兵。擒拿盜賊。被傷致死者。照陣亡。死難例。給賞。其被傷平復。能當差者。照綠旗陣傷例。給賞。如被傷。雖未致死。身已殘疾。不能當差者。給與半身分身價。詳載軍功卹賞例內。



一陸路各營中軍官不作兼轄如係伊專汛地方仍照例處分。至水師中軍守備有帶兵輪防巡哨之責。凡遇盜案與叅遊一例處分。

因公出境及署事官處分

一城內及各地地方失事武職官員如遇因公出境經該管上司派員署理營務者該總督巡撫提督於題叅疏內聲明到部免其承緝處分毋庸停陞限緝回任之後照接緝官查議見接緝盜犯例內未獲賊犯照案緝拿如於限內派往出征屯田者均照離任官例罰俸一年完結盜犯交與接任官勒限緝拿或有暫行差委未經派員署理營務者仍照承緝官例查

議

一署印官係題署咨署者照承緝官例查議若
係暫行委署者照離任官例罰俸一年該總
督巡撫提督於疎防疏內聲明以憑分別查
議

外委千總把總盜案處分

一城內失事外委千總把總初叅停其拔補勒
限一年協緝全獲開復若限滿不獲革退外
委賊犯交與接管外委限年緝拿

一地方失事外委千總把總初叅停其拔補勒
限一年協緝二叅不獲重責二十棍再限一
年協緝三叅不獲革去頂帶仍令協緝四叅
不獲革退外委賊犯交與接管外委限年緝
拿如外委千總把總能於承緝限內獲賊過

半兼獲盜首窩家者免其議處倘獲賊過半而盜首窩家未獲者其初限二限三限叅處仍照地方失事初叅二叅三叅例查議
一外委官員遇有盜案限滿應革之案如曾經出征得有功加加級紀錄者照降級之例抵銷其並非軍功所得加級紀錄與紀錄不敷抵銷者仍行革退

外委官塞責題叅

一地方失事該汛原有經制專汛之員該管官不將經制職名開報糾叅以外委塞責題叅者呈報官降二級調用轉報官降一級留任提鎮罰俸一年其原未設有經制專汛官止派撥外委巡防者如遇失事該督撫提督於題叅疏內聲明止將外委叅處疎防

粵東遊巡

一 廣東將軍督撫提督各標每標備哨船十隻
 按季輪派官兵併於附近水師內酌撥舵水
 教習配駕船隻遊巡該駐劄處所附近河道
 遇有失事遊巡官在巡即能獲賊過半者免
 其處分若未滿疎防四個月之限離巡賊尙
 未獲者將遊巡之員照離任官例議處見錢
 糧未
完離任
 例內其接巡官將前官未獲盜犯拿獲照
 接緝官例議敘見接緝盜
 犯例內如不獲照海洋接

五部盜賊

緝例處分

見海洋接緝例內

均免限年緝拿其賊犯

令該地方專汛官承緝接緝

一廣東陸路遊巡官兵每年自八月初一日起

至二月初一日止輪派兵弁裹糧遊巡不得

滋事遇有失事亦照內河遊巡例處分

廣東貼防官弁處分

一廣東將軍督撫提鎮標下官弁貼防地方附

近村莊河道失事將貼防官弁附參俱照專

汛一體議處

失察礦徒

一礦徒聚集地方該管武官知情隱匿不嚴行
 查拿者革職失於察緝以致礦徒聚眾潛匿
 地方及經發覺又不上緊查拿礦犯全未捕
 獲者將該管武官降三級調用獲犯未及一
 半者降二級留任勒限一年緝拿限滿全獲
 准其開復倘限滿僅獲一半者降一級調用
 獲犯仍未及一半者降二級調用其未獲礦
 犯俱交與接任官照案緝拿如一經察緝卽

獲犯過半者降一級留任。勒限一年緝拿。限滿全獲。准其開復。倘限滿仍止獲過半者。再罰俸一年。帶所降之級照案緝拿。全獲之日。准其開復。

接緝盜犯

一前官於初叅後去任。將未獲盜犯。交與接緝官。限一年緝拿。限滿不獲。罰俸一年。賊犯照案緝拿。如前官未滿初叅之限去任者。接緝官。罰俸一年之外。再限一年緝拿。限滿不獲。仍罰俸一年。賊犯照案緝拿。如限內但能獲盜。雖不及半。亦免其議處。拿獲過半者。紀錄二次。全獲者。紀錄三次。若賊夥止二三名。接緝官於一年限內拿獲一半。兼獲盜首及拿

獲過半者。於免議之外。仍紀錄二次。其拿獲
一半盜首未獲者。止免其議。處毋庸議。敘

緝拿多賊及搶劫重案

一 各省武職將備員弁令提督總兵官一體督
率就近查考除拿獲小賊隨時酌賞外如緝
拿多賊及搶劫重案并舉發捕役叅縱暨獲
積窩者守兵准其拔補馬戰馬戰拔補外委
外委拔補把總把總拔補千總至千總以上
各員如果實力緝捕屢破積窩拿獲重大案
犯該總督巡撫提督總兵官記名酌保加具
切實考語具題請

旨可否送部引

見恭候

欽定如該管營員不行盡心稽察該總督巡撫提督

總兵官察出卽行題叅議處

盤獲隣境盜賊等犯

一官員盤獲隣境劫掠大案本境並無未獲逃

盜并雖有未獲逃盜係接緝再接再緝者准總

督巡撫專摺具奏送部引

見請

旨仍將該員本境內有無未獲盜犯案件報部查核

其拿獲隣境劫掠大案并積年山海巨盜而

本境逃盜未獲者仍照例分別議敘不准奏

請送部引

見

一官員查出尋常逃人賊匪各總督巡撫開列
案數等次於年終彙奏除列爲三等各員毋
庸議敘外其列爲一等各員准其紀錄二次
列爲二等各員准其紀錄一次

案緝盜犯歲底彙題

一盜首脫逃至勒緝年限已滿照案緝拿後該
總督巡撫於歲底彙冊核叅將武職承緝督
緝各職名及一年內已獲幾名未獲幾名聲
明一二名不獲者將承緝官罰俸六個月三
四名不獲者罰俸九個月五六名以上不獲
者罰俸一年督緝各官總計所屬地方盜案
一年內拿獲首盜不及一半者罰俸六個月
拿獲首盜過半者紀錄一次若承緝督緝各

官一年內拿獲之數與不獲之數相當者功過相抵俱按年入於彙題照例議處

一緝拿慘殺事主放火燒人房屋姦人妻女劫

掠倉庫干係城池衙署併積至百人以上之

兇惡盜首接緝官本身未經離任照案緝拿

後該總督巡撫按年彙叅併聲明一年內已

獲幾名未獲幾名如一二名不獲者罰俸六

個月三四名不獲者罰俸九個月五六名以

上不獲者罰俸一年仍按年彙題議處其尋

常盜首二三名不獲者罰俸六個月四五名

不獲者罰俸九個月六七名以上不獲者罰

俸一年彙叅一次之後免其重複叅處仍令

照案緝拿倘接緝官能於照案緝拿之後歲

底彙題之先拿獲首盜二三名以上者紀錄

一次六七名以上者紀錄二次一年內拿獲

之數與不獲之數相當者功過相抵

一夥盜脫逃至勒緝年限已滿照案緝拿後除

罪止軍流者仍令照案緝拿外其罪應斬絞

者俱以結案題咨部覆到日為始再限一年
 緝拿該總督巡撫於歲底彙冊核叅將武職
 承緝職名及一年內已獲幾名未獲幾名聲
 明一二名不獲者將承緝官罰俸六個月三
 四名不獲者罰俸九個月五六名以上不獲
 者罰俸一年再限一年緝拿限滿不獲仍照
 此例叅處賊犯照案緝拿仍令該總督巡撫
 於歲底將某營疎防新舊失盜幾件已獲幾
 案逐一開單奏明如果該員力拿獲及緝獲隣

境盜犯人員其所獲之犯實係巨盜本境內
 又無未獲逃盜并雖有未獲逃盜係接緝再
 接緝者准該總督巡撫出具考語可否送部
 引

見恭候

欽定仍將該員本境有無未獲盜犯案件報部查核
 其拿獲隣境劫掠大案并積年山海巨盜而
 本境逃盜未獲者仍照例分別議敘不准奏
 請送部引

見倘該處強劫頻聞並未獲盜者卽據實指叅議處
至承緝竊匪按其功過多寡亦於歲底開單

奏

聞

巡捕營竊案分別功過

一三營武職有捕務克勤所轄地方盜竊稀少
遇有保題之時許其開明保奏外其限滿後
上一年照案緝拿之犯該步軍統領分別已
獲未獲於年終彙核咨部照司坊官具竊案
記功記過之例查議

巡捕營竊案歲底彙題

一巡捕營專汛武職承緝竊案步軍統領歲底查明按數造冊咨部兵部核議有能於二三年限之內拿獲賊犯者每二名紀錄一次以次遞加倘一年內參限未滿之案在五案以上未獲一名者降一級留任十五案以上未獲一名者降一級調用於年終彙題案內分晰聲明查辦無論案數但於一年內能拿獲一二案者仍准其免議

竊案記功記過

一外省地方統計一年內報竊之案能拿獲及半者毋庸記功記過其獲不及半者每八案記過一次拿獲及半之外復有多獲者每五案記功一次凡記過至四次者罰俸六個月記功至四次者紀錄一次俱以次遞加如緝獲前官任內竊案及隣境賊匪并竊賊滿貫之案每一案記功一次俱准將記過之數抵銷其未及一半離任接任官員按其在任月

日報竊幾案緝獲幾案分別辦理

疑似盜案

一巡捕三營如有警盜未明之案照文職緝兇之例一體扣限查叅俟獲犯之日審係盜案仍令步軍統領衙門將專兼各官補叅疎防照盜案例分別辦理

一外省平常盜案仍於限內題叅其有警盜未明疑似之案者限內報明兵部存案俟文職審明如實係盜案將專兼統轄各官題叅照

疎防例議處 見城內失事及地方失事例內

衙署被竊

一武職衙署被竊除有關倉庫錢糧者仍照疎防定例題叅外其止行竊署中物件賊非滿貫者承緝官扣限六個月查叅限滿不獲罰俸一年賊犯照案緝拿其賊已滿貫承緝官初叅罰俸一年再限一年緝拿限滿不獲罰俸二年賊犯照案緝拿其管轄兵民之武職專管官衙署被竊無論賊數已未滿貫均照防範不嚴例再罰俸一年若不行申報別經

發覺者將不行申報之弁降一級留任竊犯
限一年緝拿限內拿獲准其開復限滿不獲
降一級調用其無兵民責任之弁衙署被竊
不報者照諱竊不報例罰俸六個月已報者
免議

竊盜拒捕

一武弁拿獲鄰境竊犯上司查其所獲多寡量
爲記功如地方有竊盜臨時同夥拒捕傷人
者若未經獲賊併雖獲賊而爲首及下手之
兇賊未獲者將專兼統轄各官揭叅疎防勒
限嚴緝照強盜例分別議處
見城內失事及
地方失事例內
其已經獲有爲首及下手兇賊免叅疎防餘
賊照案緝拿如能於限內將一案賊犯全獲
者審實附招請敘每案紀錄二次

一 人行劫免叅疎防

一 凡外省一人行劫及一人行竊臨時行強之案毋庸題叅疎防於一年限內拿獲者專管營員亦不得濫邀議敘如限滿不獲仍照例叅處至京城內遇有此等案件毋庸題叅疎防扣限四個月咨叅照盜案例議處

失察圍場偷砍打牲

一熱河五廳地方民人潛入圍場偷砍打牲經圍場總管拿獲卽會同該廳等查辦如審係不入保甲流民將失察之該管都守千把等官三案以內每案罰俸三個月至四案以上者自第四案起每案罰俸一年其失察已入保甲居民者每案罰俸六個月至四案以上者每案降一級留任該管副將罰俸一年倘該員弁有能拿獲鄰汛偷砍打牲人犯者每

一案紀錄一次如拿獲本汛偷砍打牲人犯
每二案紀錄一次

偷盜墳塋樹木

一附近京城地方墳塋樹木如有偷砍盜賣者
將失於查察之地方官罰俸一年

盜田野穀麥兔叅疎防

一盜田野穀麥菜果及無人看守器物之案武職專兼統轄各官俱免疎防叅處

